

Newtbec

NEW WAY OF BEING CHURCH

Hari Minggu Biasa ke-11

HARAPAN: PERCAYA, HIDUP DAN MEMBERI

TEMA BULANAN:

MERAPATKAN SEMPADAN BUDAYA

Rahmat Allah Berkarya Dalam Tuaian

Kisah penuaian dan perayaannya adalah urusan tahunan bagi rakyat Malaysia Timur. Pada akhir bulan Mei, orang Sabah merayakan Pesta Kaamatan, sementara orang Sarawak akan mengadakan Gawai mereka pada dua hari pertama bulan Jun. Biasanya, pada bulan Jun, Gereja di Semenanjung Malaysia turut meraikan perayaan-perayaan ini dengan orang-orang Malaysia Timur (dan orang Indonesia) selama satu hari dan menggabungkan kedua perayaan ini untuk menaikkan kesyukuran kepada Allah atas hasil tuaian yang banyak.



Image: ©23rf.com

PETIKAN TULISAN
SUCI UNTUK
DIHAFAL:

"Adalah baik untuk menyanyikan syukur kepada Tuhan, dan untuk menyanyikan mazmur bagi nama-Mu, ya Yang Mahatinggi."

(Maz. 91:1)

Secara budaya, Kaamatan dan Gawai memupuk semangat perpaduan dan solidaritas, merentasi bangsa dan agama. Pergaulan budaya dan agama tidak hanya diterima, bahkan juga dihidupi. Sesungguhnya, selama generasi ini dapat mengingat, rakyat Malaysia Timur telah hidup bersama dalam keharmonian yang disegani, kerana masing-masing memainkan peranannya untuk tidak menabur benih perselisihan.

Injil Markus pada hari ini juga merupakan kisah penaburan benih. Yesus berkhotbah dalam perumpamaan kepada orang-orang dalam bahasa 'pertanian' yang mereka kenal. Dalam memberitahu mereka tentang Kerajaan Allah, Penabur melakukan penaburan benih, dan membiarkan tanaman untuk tumbuh sendiri, 'bagaimana dia tidak tahu.' Ianya adalah tentang rahmat Allah berkarya dalam tuaian, seperti rahmat Allah yang tumbuh di 'tanah di bawah bayu, dan di 'tanah burung kenyalang.'

Masa dan pasang surut tidak akan menunggu, demikian juga dengan Tuhan. Dia pergi menyemai, mengasihi orang-orang di seluruh dunia dan membuat orang-orang yang selaras dengan Roh-Nya menabur bersama. Buah hasilnya ialah hubungan yang harmoni antara manusia, seperti tanaman, berbunga dan berbuah kerana kepuasannya.

Sebagai orang Kristian yang hidup dalam masyarakat berbilang beragama dan budaya, kita harus memiliki pola fikir Kerajaan. Ini bermula dengan menyingkirkan 'Aku', 'Saya', dan 'Aku punya.' Ianya bukan soal mengambil tugas besar tetapi mengenai papan tanda Allah, menunjuk sesama jemaah ke arah yang benar. Bagi kebanyakan kita, peranan kita mungkin tersembunyi, tidak penting. Tetapi inilah cara Yesus berbicara kepada kita - dalam perumpamaan tentang biji sesawi. **Jangan sekali-kali memandang rendah kepada benih kecil itu.** Perbuatan yang kita lakukan dalam nama-Nya mungkin mempunyai pengaruh yang berkekalan jauh dari pemahaman kita. Jika lihat, Penabur utama adalah Tuhan dan Dia melihat kepada pertumbuhan, pemeliharaan dan penuaian.

Datanglah Kerajaan-Mu, Jadilah Kehendak-Mu, di atas Bumi seperti di dalam Surga. ✝

AYAT SUCI
MINGGU INI

Yehezkiel 17,
22-24;Mazmur 91, 2-3,
13-16;

2 Korintus 5, 6-10;

Markus 4, 26-34.